

**Date – 14/07/2025**

**Time - 18:30 -18:40Hrs**

**AKASHVANI AIZAWL**

**REGIONAL NEWS BULLETIN**

**HEADLINES ( EVENING )**

1. Chief Minister Pu Lalduhoman Prime Minister Pu Narendra Modi chu vawiin khan New Delhi-a a chenna inah an inkawm.
2. Larsap General (Retd) Vijay Kumar Singh an raltlante tha taka chhinchhiah zel a tul a ti.
3. President Draoupadi Murmu-in Haryana leh Goa Governor leh Ladakh Lieutenant Governor thar a ruat.
4. External Affairs Minister Dr.S.Jaishankar-an khawvel dinhmun derthawng tak karah India leh China ten an ngaihnan leh thlirna inhawng taka an sawidun a pawimawh a ti.

<><><>

**CM**

Chief Minister Pu Lalduhoman Prime Minister Pu Narendra Modi chu vawiin khan New Delhi-a a chenna inah an inkawm a,

An thil sawidun zingah Thenzawl Peace City Project chungchang te, Aizawl leh Thenzawl kawngpui National Highway a siam chungchang te, Handholding Policy hmalakna chungchang te a tel a. Tunhnaia Chin Hills, Myanmar-a buaina in Mizoram a nghawng dan chungchangte pawh an sawi bawk.

Aizawl mipuiten gas cylinder ngai tawh lo a, piped gas connection an neih ve theihna tur IGGL in cheng vaibelchhe 9265 man Gas Pipeline Project thawh hna a kalpui mek chungchang pawh Chief Minister hian a sawipui a. Prime Minister chuan pipeline kaltlangna tur Mamit District DC chu chak lehzuala hma la tura a duh thu Chief Minister hi a lo hrilh a ni.

Chief Minister hian Prime Minister chu Bairabi - Sairang Rel kawng thar leh Sairang Railway Station thar hawn sak turin a sawm a. Prime Minister chuan a hmun ngeiah, hun remchanga rawn hawn a tum tur thu a lo hrilh.

<><><>

**PRISON**

Thla khat kalta chhung khan Central Jail atangin mi tang 3 an tlan chhuak a, tun thlengin tumah man an la ni lova, Prison Department a thawkte chuan tang tlan chhuah thin chhan hi tang vengtu in daih loh vang a nih ber thu an sawi.

Tun thla July ni 11, Zirtawpni zanlai khan Aizawl Central Jail atangin tang pahnih- Lianhmingthanga (kum 36), Thingsulthliah Hospital Area, POCSO case nei leh Malsawmdawnga (kum 28), Farkawn, ND&PS Act thubuai neite chu an tlanhhuak a, Police-te sawi danin Tang tlan chhuakte hian an awmna cell ceiling ti chhiain, an cell atangin an chhuak a, rizai hmawra rod kâwm an dah chu Jail hungna banga lawn liamna atan an hmang a ni. Tang tlanhhuakte hi Police ten ngawrh takin an zawng mek a ni. Hetihlai hian June ni 15 zan dar 10 vela blanket leh mau hmanga Central Jail bang hungnaa a lawn liam, Lalthawmthanga (kum 28), Zonuum Veng, Aizawl, ND&PS Act thubuai nei pawh tun thlengin man a la ni lo a ni.

Hriat theih chinah kumin chhung hian Central Jail atangin mi 10 an tlanhhuak tawh a, heng zinga mi 7 te hi man let leh an ni tawh a ni.

Kan corr report lo ngaithla ang.

VC

*Akashvani Aizawl, Regional News Unit zawhna chhangin Prison Department-a thawkte chuan tang tlan chhuak an awmin, duty lai lakah inquiry lak thin a ni a, thil fel lo awm dan a zirin duty te chu suspend thin an ni a, hetihlai hian tun dinhmunah tumah suspend an awm rih lo tih an sawi a, jail tang tlan chhuah chhan hi tang vetu in daih loh vang a nih ber thu sawiin, Mizoram prison manual 2017-ah chuan tang vengtu, jail guarding duty pakhatin mi tang 6 an veng tur a nih laiin, tun dinhmunah chuan mi pakhatin mi 200 bawr vel a ven thin avangin kil tin an veng seng vek thin lo an ti a ni. Hei bakah hian central jail leh a hungna te chu a tha tawh tawh lova, hei hian tlan chhuah a ti awlsam niin an sawi bawh a ni.*

Mizorama Jail hrang hrangte hi SASCI hnuaiakh sak mek an ni a, tun dinhmunah Central Jail chauh thuam that a la ni rih lo a ni.

<><><>

## GOVERNOR

Larsap General (Retd) Vijay Kumar Singh an raltlante tha taka chhinchhiah zel a tul thu sawiin, Mizoram chu a hausak bik vak loh avangin nakin zela khawtlang leh ramah nghawng tha lo a thlen loh nan lo inpuahchak lawk a tul a ni, a ti

Larsap hian vawiin khan Champhai District a tlawh a, Sawrkar Department hotute kawmin, he thu hi a sawi a, Champhai chu ramri kaltlanga drug tawlh rukna lian tak a nih thu leh drug hman sualin khawtlangah nghawng tha lo tak a thlen mek thu sawiin, drug do let kawngah tanrual a ngai a, a tawlhru thinte man chhuaha an phu tawh hremna pek zel a tul thu a sawi bawh.

Champhai District-ah PM-Kisan Samman Nidhi hamthatna dawngtu an tam chu lawmawm tiin, Farmer Producer Organization (FPO) tam zawk din a tul thu leh organic thlai tam zawk thar chhuak thei tura hmalak a tul thu a sawi a. Rooftop solar scheme, bawlhhlawh sawngbawh, thlai thar sawngbawh bakah hriselna kawnga scheme pawimawh tak tak - Ayushman Card, Jan Aushadhi leh Health & Wellness Centre-te chhawr tangkai thiam a tul thu leh, School leh Anganwadi-ahte eitur hrisel chauh sem a tul thu a sawi a. Khuarel chhiatnate'n nghawng nasa zawk a thlen loh nana invenlawk thiam a pawimawh thu sawiin, hmasawna hnathawh kawngah Sawrkar department-te chu thawhhona (convergence) ngaipawimawh turin a chah bawh.

Larsap in Champhai a tlawh chungchang kan corr report ngaithla ang.



## **NASHA MukT BHARAT ABHIYAAN**

Sorkar laipui hmalakna hnuaiia ram pum huapa ruihhlo do beihpui thlakna, Nasha MukT Bharat Abhiyaan hnuaiiah Mizorama hmun hrang hrangah hmalak mek a ni.

Akashvani Regional News Unit, Aizawl zawhna chhangin Department of Social Welfare hnuaiia Mizoram Social Defence and Rehabilitation Board-a Field staff Pu Lalrindika chuan Nasha MukT Bharat Abhiyaan hnuaiia hmalakna chu a that em avangin hmalakna tur district huang zauh belh zel niin Mizoram district 11 telh a ni tawh a ti a. Mizoramah chuan Nasha MukT Bharat Abhiyaan hnuaiiah hian District Commissioner tinte te chu Chairman an ni a, an hmalakna hnuaiiah Committee peng hrang hrang din niin, damdawi zuarte hnena school naupang kum tling lote hnenah damdawi hralh lo tura hrilhtu - sub-committee on task group, Mizorama kohhran hrang hrangte hnena ruihhlo chungchanga zirtirna petu, sub-committee on churches, sub-committee on school and colleges hnuaiiah Aizawl district ah college 10 thlang chhuakin ruihhlo that loh zia inzirtirna te neih thin niin, zirlaite zirna tibuai lovin Anti Drugs Club - ralvengtu pawl din a ni a ti.

***Byte: Lalrindika***

Pu Lalrindika chuan Social Welfare Dept hmalakna hnuaiiah Home hrang hrangah tanpuina te an pe chhuak a ti a, Outreach and Dropping Centre, Chaltlang ah Doctor, Nurse leh Counsellor te enkawlina hnuaiiah a thlawnin ruihhlo ngaite enkawlina leh kawmna hmun an nei tih a sawi bawk a ni.



## **MISS GRAND INDIA 1<sup>ST</sup> RUNNER UP**

Miss Grand India 2025 intihsiakna ah Mizoram aiawha tel kum 23-mi Vanlalnuntluangi, Thuampui, Aizawl chu pahnihna a ni.

Akashvani Aizawl Regional News Unit zawhna chhangin, Vanlalnuntluangi chuan a dinhmun chu Pathian tan a hlan thu leh Pathian ropuinan chauh a ni a ti a, a zinkawng chu Mizo mipui te nena zawh an ni a ti.

**(BYTE- Vanlalnuntluangi)**

Vanlalnuntluangi Manager Amos MS Dawngkima chuan Miss Grand India 2025 thlannaah Vanlalnuntluangi hi eng pawl mahin an tirh ni lovin ama mimala tel a ni a ti a, kumin April ni 11 khan online kaltlangin audition ah a tel a, audition a paltlang hnu hian Mizorama Beauty Pageant lama tawnhriat nei tawh hrang hrang be pawpin Team a din a, tun thla July ni 3 atang khan Rajasthan khawpui Jaipur panin, inelna hrang hrang bakah grooming leh personal interview te neih leh a ni a tt a ni. Inrinni khan National Costume, Swimsuit leh Evening Gown hmangin inelna neih leh niin, nizan khan a hmawr bawkna, Grand Finale neih leh a ni a, a tha zual 12 thlan chhuah te chu zawhna leh chhanna, Question and Answer round hmangin an inel leh a, Miss Grand India 2025 1st Runner Up ah thlan a ni a, Subtitle pahnih-Best Swimsuit leh Miss Social Media Queen a dawng bawk a ni.

***Byte: Manager Amos MS Dawngkima***

Vanlalnuntluangi hi kum 2023 khan Mizoram University Miss Varsity ah thlan a lo ni tawh a, tunah hian Holy Cross School ah English Teacher hna a thawk mek a, Nilaini khian Mizoramah a lo haw dawn a ni.

<><><>

#### **AIR NEWS ON SOCIAL MEDIA**

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

#### **NEW GOVERORS**

President Draoupadi Murmu-i chuan Haryana leh Goa Governor leh Ladakh Lieutenant Governor thar a ruat. Union Civil Aviation Minister hlui Pusapati Ashok Gajapathi Raju chua Goa Governor thar atan ruat a ni a. Haryana Governor thar atan Prof. Ashim Kumar Ghosh ruat a ni bawk.

Hei bakah hian Kavinder Gupta chu Ladakh Lieutenant Governor thar atan ruat a ni. Vawiin vek khan President Droupadi Murmu-i chuan Ladakh Lieutenant Governor ni lai Brigadier (Rtd.) Dr.B.D Mishra banna a pawm bawk a ni.

<><><>

#### **EA M**

External Affairs Minister Dr.S.Jaishankara chuan khawvel dinhmun dethawng tak karah India leh China ten an ngaihndan leh thlirna inhawng taka an sawidun a pawimawh thu a sawi. Vawiin khan Pu Jaishankar-a hian Beijing-a China Vice President Han Zheng nen an inkawmnaah he thu hi sawiin ram pahnih inkara inlaichinna awm chu vawnnun a pawimawh thu sawiin hei hian rah tha tak a chhuah dawn a ni a ti a. Vawiina China ram hruaitu nena an inkawmna chuan rah tha a chhuah a rin thu a sawi a ni.

<><><>

#### **BIHAR**

Bihar-ah darkar 24 kalta chhungin mi pakua tekin a deng hlum. Vanduaina hi state chhung district hrang hranga thleng niin Banka district ah thi tam berin mi panga an thi a. Gaya Ji district ah mi pahnih tekin a denghlum a. Patna leh Nalanda district ah mi pakhat ve ve a deng hlum bawk a ni.

Sawrkar thuneitute sawidanin tekin a denhlumte hi an loa hna an thawh laiin tek hian a deng a. MeT department chuan State chhung hmun hrang hrangah orange alert a puang a ni.

<><><>